

21 сентябрь 1939 ар № 89 (666)

9-тй АРЗЭ ПОТЭ.

Дуныз: толэзылы 50 коп.

1 номерезлэн дуныз 5 коп.

Вань странаосысь пролетарийёс, огазеяське!

# УДАРНИК

ВКП(б)-лэн М-Пурга Райкомез-

лэн но Райисполкомлэн

органы

—(АДРЕС: М-Пурга УАССР)—

## Агитационной ужез паськыт вёлмытоно

Быдэс странаымы кутскиз всенародной политической кампания—трудолюбивейшэн депутатёссылэн Интыосысь Советёсказы быр'ён'ёслы дасяськон.

Интыосысь Советёсы вуоно быр'ён'ёс луозы социалистической демократилэн виль вормонёсыны, социалистической демократилэн сяскаяськонны.

СССР-лэн Верховной Советаз, Союзной но Автономной республикаослэн Верховной Советёсказы быр'ён'ёс, куд'ёсыз ортчизы нырысьсэ Сталинской Конституцилэн основаез'я, возматизы советской калыклэсь политической но моральной единствозэс, котькулэсь но вылэ жу т и з ы трудолюбивейшэн калык азын коммунистической партилэсь авторитетэс, жутизы партийной организациослэсь но вань советской калыклэсь революционной бдительностьсэ.

СССР-лэн Верховной Советаз, Союзной но Автономной республикаослэн Верховной Советёсказы быр'ён'ёс дыр'я асьмелэн партийной, комсомольской, профсоюзной но советской организациосмы население пöлын агитационно-массовой уж нуонэн умоесь опытёс возматизы. Вуоно быр'ён'ёслы дасяськонн агитационно-массовой уж'ёслэсь умоесь опытёсэс уже кутано. Уже кутано большевистской агитацилэн методёсызлэсь вань формазэ, кылдытоно условие со понна, чтобы быр'ён'ёсты организовано но вылй идейно-политической уровенён ортчытыны.

Интыосысь Советёсы быр'ён'ёслы дасяськонэн районамы агитколлективёсын кивалтисьёслы курс ортчытымын. Татын ваньмыз 15 мурт дышетскизы но соос ваньзы агитаторёсын кивалто, соосын вискарятэк семинар'ёс ортчыт'яло. Пуро-Можгинской сельсоветын 32 агитатор'ёс вис'ямын, агитколлективэн кивалтись Байсаров эш агитаторёсын семинар ортчыт'я. Альта сельсоветысь агитатор'ёс быр'ён'ёс сярись положениез колхозник'ёслы но колхозницаослы вискарятэк валэкто.

Старо-Моньинской сельсоветысь „Горд пельга“ колхозын Интыосысь Советёсы быр'ён'ёслы дасяськонн 13 агитатор'ёс вис'ямын, котькуд агитаторлы нимаз-нимаз

участок'ёс вис'ямын. Агитатор'ёс асьсэ участок'ёсказы валэктоно ужез синмаськымон нуо. Агитационно-массовой уж Интыосысь Советёсы быр'ён'ёс азын умой пунктэмын „Янгалиф“ колхозысь первичной партийной организациын, Мошкинлэн нимыныз нима колхозысь комсомольской организациын, Ср-Кечевской сельсоветысь „1-й май“ колхозын но районьсытымы муке-таз колхоз'ёсын.

Интыосысь Советёсы быр'ён'ёслы дасяськонэн 16 сентябре районьсытымы первичной парторганизациослэн секретарёсынызы совещание ортчиз, татын ог 30 мурт участвовать каризы.

Районамы районной советэ быр'ён'ёс'я 25 округ кылдытыны но сельской совет'ёсы быр'ён'ёс'я 201 округ'ёс кылдытыны намётить каремын. Быр'ён'ёсын районамы 539 м у р т агитатор'ёс ужало.

Вуоно быр'ён'ёсы дасяськон'я масса пöлын агитационно-массовой уж'ёсты нуонэн тырмытэ интыос но вань на. Мало-Пургинской сельсоветысь „Дружный“ колхозын колхозник'ёслы но колхозницаослы быр'ён'ёс сярись положениез чик öз на валэктэ, агитатор Петухов нокичэ уж уг нуу. Пöртэм ик öвöл Кечурской сельсоветысь колхоз'ёсын но.

Ворошиловлэн нимыныз нима колхозысь комсомольской организацилэн секретарез К. Семенов но мыре но уг лэсты, со ачиз колхозын агитатор, озы ке но быр'ён'ёс сярись положениез умой-умой ачиз но öз на вала.

Таке факт'ёс кулэ каро агитационной ужез пунктонэз чутрак выльдыны. Котькуд агитаторлы трудолюбивейшэ массаослы умой валэктоно Сталинской Конституция сярись, Ленинлэн-Сталинлэн партиезлэн кивалтэм улсаз социалистической строителствоын басытэм вормон'ёс сярись, социализмысь коммунизме выжон задача сярись но интыосы Советёсы быр'ён'ёс'я положение сярись.

Агитационной ужез пуктоно озы, чтобы интыосы Советёсы вуоно быр'ён'ёс дыр'я коммунист'ёслэн беспартийноёсын сталинской блоксы еще но выль вормон'ёсты обеспечить мед кароз.



СУРЕД ВYЛЫН: Иошкар-Олаысь Средней школаыч виль зданиез кудиз скоростной строителствоэн методэз'я 1939 аре лэсьтэтын.

Правительстволэн решениез— великой калыклэн эрикез

## М-Пурга райцентрын митинг

17 сентябре М-Пурга районной клубе митинг люкаськиз. Та митингын Советской правительстволэсь Польшаын улйсь братской украинской но белорусской калык-кез защита улэ басытон сярись решениез ВКП(б) райкомлэн секретарез Бельтюков эш сообщить кариз.

Митинге 'люкаськем калык'ёс бад'зым жутоксем мылдыын Молотов эшлэн радио пыр верам речез сярись сообщениез кылзиськизы.

Митингын Зырдыт речен Рабоче-Крестьянской Красной Армии призвать карем'ёслэн нимыныз выступить каризы Мальцев но Серебряков эш'ёс.

—Ми ваньмы дасесь Советской правительстволэн, Сталин эшлэн нырысь öтемаз юрттыны мыныны Польшалэч территория вылаз улйсь украинской но белорусской калыкы.

Мальцев эш вера—Ми Сталинлэн нимыныз любой подвиге мыныны дасесь! Кулэ ке луоз, Советской калык понна, яратоно родинамы понна, Сталин эш понна улонмес но сётомы.

Ми Жоген Рабоче-Крестьянской Красной Армиелэн радаз мыныськом—вера Мальцев эш—тй нош татчы кылиськыды. Тй ужалэ татын стахановец'ёс сямён, нош ми Родинамес возмаломы Хасановец'ёс сямён.

## Бурановской НСШ-ысь дышетисьё'лэн но дышеткисьёслэн Молотов эшлэн радио пыр верам речезлы сйзыса ортчытэм митингзылэн резолюциысьтызы

Польшаын улйсь украинской но белорусской калыкы юрттэт сётыны Советской Правительстволэн главаезлэсь В. М. Молотов эшлэсь радио пыр ивортэмзэ кылзыса, ми, Бурановской НСШ-ысь дышетисьёс но дышеткисьёс Советской Правительстволэсь та вамышсэ шумпотыса приветствовать кариськомы.

Ми тодйськомы, что Польшаысь Украинской но белорусской трудолюбивейшэ, куд'ёсыз избиваться карисько польской капиталист'ёслэсь но помецик'ёслэсь, асьме Рабоче-Крестьянской Красной Армиелэн юрттэмез'я гинэ шедьтозы асьсэлы шуд, эрик, за-

житочной но культурной улон.

Ми партилы но правительстволы обещать кариськомы школаын по-большевистски развернуть карыны социалистической соревнованиез, юн но умой дышеткисьыны, обо-ронно физкультурной ужез будэтыны, военной техникаен овладеть карыны, асьме родинамес оборонять карыны котьку но дась луыны.

Дано мед луоз асьмелэн Социалистической Родинамы! Дано мед луоз асьмелэн Рабоче-Крестьянской правительствомы!

Дано мед луоз ВКП(б) но солэн мудрой вождез Сталин эш!

## ШУДО НУНАЛ

Возмаса гинэ улй шудо-нуналэз—ку мон Рабоче-Крестьянской Красной Армиелэн радаз призываться карисько шуыса. Туннэ мынам туж бад'зым шум потонэ монэ Красной Армие радэ басыт'язы.

Колхозын мон котьку но азьмынись луыса ужай. Монэ котькин но яратиз. Куинь оборонной значок'ёс иметь

карисько. Мон Красной Армиын военной ужлы дышо. Асьме социалистической родинамылэсь границазэ нарушить ке каризы, враг'ёслы отпор сётыны котьку но дась луо.

Ильинск сельсовет „Красный яр“ колхоз, призывник

—Петр Матвеев.

## ИВОРТОН

1939 аре 25 сентябре 10 часэ чукна М-Пурга Селоын районной клублэн помещениаз вань бордгазет редактор'ёслэн районной совещанизы луоз.

Эскероно уж

1. Интыосысь Советёсы быр'ён'ын бордгазет'ёслэн задачаоссы сярись.

## „Колхоз'ёсын общественной нудо вордонэз бюджетон ужрад'ёс сярсы“ СССР-лэн СНК-езлэсь но ВКП(б)-лэн ЦК-езлэсь постановленизэс быдэс'ялэн мынэмез сярсы

„Колхоз'ёсын общественной нудо вордонэз бюджетон ужрад'ёс сярсы“ СССР-лэн СНК-езлэсь но ВКП(б)-лэн ЦК-езлэсь постановленизэс быдэс'ялэн мынэмез сярсы ужпумез обсудить карыса, СССР-лэн Совнаркомез но ВКП(б)-лэн ЦК-ез постановить кариз:

1. Союзной но автономной республикаослэи совнарком'ёссылэсь, краевой но областной исполком'ёслэсь, Союзной Республикаослэн компартиоссылэн ЦК-оссылэсь, ВКП(б)-лэн райком'ёсызлэсь но обком'ёсызлэсь вниманизэс солы вис'ятоно, что колхозной нудо вордон фермаосты нудо йырлыдын комплектовать карон ужын сентябрь но октябрь решающей толэзёсын луо. Колхоз'ёслы рекомендовать кароно та дыр куспын колхозник'ёслэсь но колхозын сылысьтэм'ёслэсь, а озыы ик совхоз'ёсысь но мукег организациосысь басытыны пинал пудолэсь но мыйы пудолэсь кулэ луись лыдзэ со выльсь, чтобы обеспечить карыны фермаосты кылдытонэз со колхоз'ёсын, кытын соос ой вал, а озыы ик вань фермаосты 1940 ар понна юматэм йырлыдын ук-

плектовать каронэз.

2. Лыд'яса, что колхоз'ёсын государствоы обязательной сйль сётонзэс быдэстон дыр'язы сйлез ю тысен воштон лэзылыськоз исключительной случайёсы гинэ СССР-лэн Наркомзагезлэн разрешениезэ интыысь советской но партийной организациосты обязать кароно, фермаосты комплектовать карон планэз быдэстонэн артэ, обеспечить карыны пудоез сюдыны пунктонэз 1940 арын, тужгес ик нырысетй но кыктэтй квартал'ёсы сйль сётон планэз быдэстыны тырмыт луись лыдын, со дыре ик пудо вордон фермаос маточной йырлыдэз ичиомытыны лэзытытэ.

3. Предложить кароно интыысь советской но партийной организациослы колхоз'ёсын общественной нудо вордонэз грубой, чарсмыт но концентрированной сюдон'ёсын но пудо вордон постройкаосын обеспечить каронлы маке со гинэ относиться карыськонэз жотрак быдтыны, лыдэ басытыса сое, что 1939—1940 ар'ёсын пудоез толйытон колхоз'ёсын общественной нудо вордонэз азылане бюджетон но юматон ужын рашающей луоз.

### Ужам уж'ёс уг пото

„Дружный“ колхозысь (М-Пурга сельсовет) колхозник'ёслэн ужам трудоденьзы июль но август толэзлы поттэмын өвёл на. 1-й бригадысь бригадир Мойсеев Иларин переченэз толэзлы быдэ конторае уг сёт'я, нош колхозник'ёслэн трудовой книжкаосазы трудоденьзы чик гож'ямын өвёл.

Нормая 350 зег культу керттонэз утвердить каремын вал производственной план'я. 2-й брига-

дысь бригадир культу керттысьёслы 300 культулы гинэ трудодень гож'яз, нош 1-й бригадысь бригадир 350 культулы.

Колхозысь трудовой дисциплинае бригадир'ёс асьсэос куашка-то. Арам интыос ныль вить нунал Чоже мертатэк уло, нош бригадир со интыосыз мертаны шедьтытэк трудодень тыре. Таце урод ужез правление тодэ ке но нокрыче ужрад уг куты. **Петров.**


### Трудоденез лыдэ уг басыто

„Безбожник“ колхозысь 2-тй бригадалэн бригадирез Макаров Степан колхозник'ёслэсь ужам трудоденьзэс трудовой книжка вылазы уг гож'я.

1939 арлэн апрель толээз сяна пыртэмын өвёл на. Сыче урод ужзэ адзёса селькор'ёс,

борд газет вылэ поттйзы. Нош Макаров сое адзёса но ужез борды өз кутскылы. Вань трудовой книжкаосты жбказ возе.

Соин ик Макаровлэн бригадаяз трудовой дисциплина но куашкамын. **М. Тимкин.**



СУРЕД ВЪЛЫН: Донбассысь муз'ем эгырез муз'ем улын газифицировать карон нырысетй станция.

### Положениез дышетско

Старо-Моньинской сельсоветысь „Горд пельга“ колхозын Интыосысь Совет'ёсы быр'ён'ёс сярсы положениез дышетскон умой мынэ. Колхозын 13 агитатор'ёс вис'ямын, котькуд агитаторлы 7 хозяйство юматэмын. Соос быр'ён'ёс сярсы положениез колхозник'ёслы но колхоз-

ничаослы вис карытэк валэк-то.

Агитатор'ёс быр'ён'ёс сярсы положениез валэктэм сяна озыы ик СССР-лэн Верховной Советэзлэн IV-тй внеочередной Сессиезлэсь решениоссэ но валэкто.

Агитатор'ёсын нуналлы быдэ семинар ортчыт'яське.

**К. Григорьев.**

Средне-Кечевской сельсоветын государствоы нянь сётон, кутсаськон но зяб гырон чидантэм урод мынэ. Сельсоветлэн председателез Юшков, ужез умойтон понна уг сямаськы.

Интыосысь Совет'ёсы быр'ён'ёслы дасяськонэн сельсоветын агитатор'ёс уг ужало. Ваньмаз колхоз'ёсын положениез валэктымтэ.



—Учкы, асьмелэн председателымы провалиться карем.

—Со, солы жыны беда гинэ, вот интыосысь совет'ёсы быр'ён'ёс дыр'я со обязательно провалиться карыськоз.

### Пудо вордонэз уг дун'я

„Елово“ колхозын председателы луыса Байкалов Михаил ужа. Общественной нудо вордонэз вылэ жу-тон сярсы партилэсь но правительстволэсь пунктэс задачаосэс быдэстон понна „Елово“ колхозысь Байкалов номыр но өз на лэсты.

Та колхозын ужез умойтон понна Райзолы көче ке но ужрад кутыны кулэ. **Анилов.**

### Юэз пудоос лёгало

„Дружный“ колхозын (М-Пурга сельсовет) пудо вордон фермаин ужасьёс туж урод ужало. Парсь возьмась Ионова Александра но ыж возьмась Ермакова Мария пудо возьмасын гинэ нимасько. Пудозэс бусые лэзыса асьсэос изыны выдо, нош пудооссы люкам чабей чумолёосты пазяса ветло.

Таце урод уж'ёсыз зав фермалы но колхоз правление вераса нокрыче ужрад уг куты. **Петров.**

### Зяб гыронэн уг дырто

План'я 20 сентябрь азелы „9-январь“ колхоз зяб гыронэз 100 процентлы быдэстыны кулэ вал, нош татын 20 сентябрь азелы жычыез но быдтымтэ.

Та колхозын Гожнинской МТС-

лэн 9 номеро тракторной бригадизе ужа, нош колхозлэн председателез Тарасов трактор'ёс борды прицепщик'ёсты уг вис'я, чем дыр'я ву нуллысь уг сёты. Соин ик зяб гырон алама мынэ. **Ф. О.**

### Дырзэс юыса ортчыто

„Виль кужым“ колхозысь 1-й бригадысь бригадир Гондырев Павел дырзэ юыса гинэ орччытэ. Колхозлэн 150 га мында аранэз ваньна, сое со уг толы, ачиз ик колхозник'ёсыз юыны организовать карыса ветлэ. Бусые уг пота, колхозник'ёслэсь кытын ужамзэс тодытэк уг ужало шуыса урод

кылын тышкаськыса ветлэ.

Колхозник'ёслэн трудоденьёсы ышыло, соин ик ужам мылкыдзы но соослэн уллань усе. Та уж'ёсыз эскерыса колхозник'ёслы ужаны условие сётано. Колхоз правление таце ужез тодыса но нокрыче ужрад уг куты. **Игнатев.**

### Газет'ёсты дыраз уг вуито

М-Пурга селосысь письмоносец Игнатев подписчик'ёслэсь газетэс троссэ аслыз киулытылэз. Газетэз дыраз өз люкылы. Али сентябрь толээе подписчик'ёс кудйз-огез газет чик өз басытэ на. Письмоносец вань, оло өвёл.

Мало-Пургинской райсвязьлэн кантораез тодэ-а медам таце уж'ёсты? **М. Ефремов.**

### Колхоз бере кыле

Мало-Пургинской сельсоветысь „Дружный“ колхозын агит-массовой уж уг нуиськы, агитатор'ёс бусыын уг ужало. Борд газет ю октон-калтон дыр'я 2 номер гинэ поттэмын.

Ю октон-калтон но быдэстымтэ на, государствоы натуроплата тырон 50 процентлы гинэ тырмытэмын. Колхозлэн правлениез таце уж'ёсын ляб кивалтэ. **Плотников.**